



TAWARAN PENAJAAN JABATAN PERKHIDMATAN AWAM (JPA)

PROGRAM KHAS LEPASAN SIJIL PELAJARAN MALAYSIA DALAM NEGARA (LSPM) TAHUN 2024

1. PENGENALAN

Permohonan adalah dipelawa kepada pelajar cemerlang lepasan Sijil Pelajaran Malaysia (SPM) 2023 yang mendapat keputusan sekurang-kurangnya 9A+ untuk melanjutkan pelajaran di dalam negara.

Calon-calon akan ditawarkan penajaan untuk mengikuti pengajian peringkat Persediaan hingga ke Ijazah Pertama di Universiti Awam (UA), *Government Linked Universities* (GLU) dan Institusi Pengajian Tinggi Swasta (IPTS) dalam negara yang dikenal pasti, tertakluk kepada syarat-syarat yang ditetapkan.

Penajaan program ini adalah dalam bentuk Pinjaman Boleh Ubah (PBU) dan tertakluk kepada terma ikatan perjanjian JPA seperti berikut:

- i. Pinjaman **ditukar kepada biasiswa penuh** dan dikecualikan daripada bayaran balik sekiranya pelajar berkhidmat dalam Perkhidmatan Awam setelah tamat pengajian;
- ii. **Bayaran balik sebanyak 25%** daripada jumlah pinjaman yang diterima sekiranya pelajar berkhidmat dalam syarikat berkaitan Kerajaan (GLC) setelah tamat pengajian;
- iii. **Bayaran balik sebanyak 50%** daripada jumlah pinjaman yang diterima sekiranya pelajar berkhidmat dengan syarikat swasta dalam negara setelah tamat pengajian; dan
- iv. Selain daripada keadaan seperti di atas, pelajar dikehendaki membayar **balik sepenuhnya nilai pinjaman**.

2. PENAJAAN MENGIKUTI PERINGKAT PENGAJIAN

- 2.1. Penajaan di bawah Program Khas Lepas SPM Dalam Negara (LSPM) ini adalah **secara berpakej** merangkumi peringkat Persediaan dan Ijazah Pertama.
- 2.2. Calon-calun yang berjaya akan mengikuti program persediaan di Kolej Persediaan dalam negara yang telah ditetapkan oleh Kerajaan seperti di **LAMPIRAN A**.
- 2.3. Seterusnya, penajaan peringkat Ijazah Pertama adalah di Institusi Pengajian Tinggi (IPT) dalam negara sahaja tertakluk kepada pelajar melepasi Had Kecemerlangan Akademik (HKA) di Peringkat Persediaan. Senarai IPT adalah seperti di **LAMPIRAN B**. Bagi **Universiti Awam**, penajaan adalah bagi pelajar yang mendapatkan tempat melalui **saluran perdana** sahaja.
- 2.4. Pelajar tidak dibenarkan untuk mengikuti program persediaan dengan pembiayaan sendiri. Sekiranya berbuat demikian, pelajar **tidak akan ditawarkan** penajaan di peringkat Ijazah Pertama di bawah program ini.
- 2.5. Pelajar **tidak dibenarkan memohon penangguhan penajaan / program persediaan pada tahun penawaran biasa KECUALI atas sebab-sebab munasabah seperti masalah kesihatan**. Permohonan penangguhan kerana masalah kesihatan boleh dikemukakan dengan pengesahan Pegawai Perubatan Kerajaan mengenai keadaan kesihatan pelajar. Tempoh penangguhan maksimum yang boleh dipertimbangkan adalah 12 bulan dan tertakluk kepada kelulusan.
- 2.6. Sekiranya pelajar yang ditaja tidak menamatkan kursus persediaan atau menamatkan kursus persediaan tetapi gagal melepasi HKA yang ditetapkan untuk melanjutkan pengajian ke peringkat Ijazah Pertama, penajaan pelajar boleh ditamatkan. HKA peringkat persediaan adalah seperti di **LAMPIRAN C**.

- 2.7. Sekiranya pelajar enggan meneruskan penajaan di peringkat Ijazah Pertama di bawah tajaan JPA atau enggan mematuhi syarat-syarat penajaan yang ditetapkan oleh JPA bagi menyambung pengajian ke peringkat Ijazah Pertama, **penajaan pelajar akan ditamatkan dengan tuntutan ganti rugi.**

3. SYARAT PERMOHONAN

Calon-calun mestilah memenuhi syarat-syarat umum dan khusus permohonan seperti berikut:

3.1. Syarat Umum Calon

- 3.1.1 Warganegara Malaysia;
- 3.1.2 Pemohon disyaratkan bebas daripada penyakit kronik / berjangkit / penyakit yang memerlukan rawatan susulan dan berupaya mengikuti pengajian sehingga tamat, serta disahkan sihat untuk meneruskan pengajian;
- 3.1.3 Ibu/bapa tidak disenaraihitamkan oleh JPA atau sedang dalam tindakan undang-undang JPA;
- 3.1.4 Tidak menerima bantuan kewangan / tajaan dari mana-mana agensi untuk peringkat atau pengajian yang sama;
- 3.1.5 Menduduki peperiksaan **SPM 2023 buat pertama kali** di mana-mana sekolah menengah atau calon-calun persendirian;
- 3.1.6 Umur belum mencapai 19 tahun (atau belum mencapai 20 tahun bagi pelajar peralihan) pada 31 Disember tahun peperiksaan SPM diduduki; dan
- 3.1.7 Keutamaan diberikan kepada calon daripada latar belakang keluarga dengan kategori pendapatan B40 dan M40.

3.2. Syarat Khusus Calon

3.2.1 Pelajar hendaklah **mendapat keputusan SPM sekurang-kurangnya 9A+ dalam mana-mana mata pelajaran tanpa mengambil kira mata pelajaran selebihnya** (sekiranya ada); dan

3.2.2 Memulakan pengajian peringkat Persediaan sebelum 31 Disember tahun penawaran semasa.

4. KETETAPAN PENAJAAN

4.1. Peringkat Persediaan

Pelajar hendaklah **memulakan pengajian Persediaan dalam tahun penawaran semasa.**

Tempoh maksimum untuk mengikuti pengajian di peringkat Persediaan adalah bagi tempoh **24 bulan yang dikira daripada tarikh memulakan pengajian tahun penawaran semasa.** Pelajar tidak layak mendapat pelanjutan selepas tempoh maksimum ini tamat.

Pelajar yang mengikuti pengajian persediaan A-Level **diwajibkan mengambil tiga subjek sahaja.** Sekiranya pelajar ingin mengambil lebih daripada tiga subjek, **pembayaran bagi subjek-subjek tambahan tersebut adalah di bawah tanggungjawab pelajar sendiri.**

4.2. Peringkat Ijazah Pertama

Penajaan adalah meliputi semua bidang seperti yang dinyatakan **kecuali** pendidikan, penerbangan, kejururawatan, separa perubatan, kursus profesional, program yang dilaksanakan secara Program Berkembar atau pengajian tanpa subsidi yuran pengajian. Program pengajian yang diikuti hendaklah telah mendapat **akreditasi penuh** Agensi Akreditasi Malaysia (MQA) dan Badan Profesional berkaitan, seperti senarai di **LAMPIRAN D.**

Bagi tujuan penajaan, pelajar hendaklah telah ditawarkan mengikuti pengajian Ijazah Pertama di IPT dalam tempoh **12 bulan selepas tamat Program Persediaan**. Pelajar **tidak dibenarkan untuk menanggung pengajian** ke tahun berikutnya.

Program Pengajian yang diikuti hendaklah dijalankan secara **sepenuh masa di Institusi Pendidikan Tinggi dalam negara sahaja** dan tidak termasuk dalam program berkembar di luar negara atau sebahagian daripadanya dijalankan di luar negara (kecuali di bawah Program Mobiliti).

Yuran pengajian bagi Ijazah Pertama di Universiti Awam hanya dibayar mengikut **kadar yang telah ditetapkan oleh JPA** iaitu berdasarkan kadar yuran pengajian saluran perdana sahaja (**saluran alternatif/ terbuka/ *private wing*/ pengajian tanpa subsidi yuran pengajian adalah tidak ditaja**).

Pelajar perlu mengekalkan prestasi akademik yang baik sepanjang tempoh pengajian dan memastikan melepasi HKA yang ditetapkan. Pelajar bertanggungjawab untuk mengemukakan keputusan peperiksaan kepada pihak JPA pada setiap semester / tahun pengajian.

4.3. **Syarat Tawaran**

Semua bayaran elaun dan kemudahan adalah sebagaimana yang ditawarkan pada Surat Tawaran dan Perjanjian Pinjaman Pelajaran Persekutuan yang berkuat kuasa. Penajaan yuran, elaun dan kemudahan adalah berkuat kuasa **berdasarkan perjanjian yang ditandatangani** sehingga tarikh pelajar tamat pengajian.

5. PERMOHONAN

- 5.1. Calon yang berminat perlu mengisi profiling secara dalam talian (*online*) di <https://bmipenajaan.jpa.gov.my> yang dibuka khusus kepada **senarai calon yang dipaparkan dalam laman web berkenaan sahaja**.
- 5.2. Permohonan dibuka mulai **29 Mei 2024 (Rabu), 2.00 petang hingga 9 Jun 2024 (Ahad), 5.00 petang**. Permohonan yang diterima selepas tarikh tersebut tidak akan diproses.
- 5.3. Calon dibenarkan mendaftar, mengemas kini / meminda maklumat permohonan sebelum tarikh tutup permohonan. Hanya pindaan yang terkini sahaja diambil kira untuk tujuan penyimpanan data. **Sebarang perubahan maklumat permohonan selepas tarikh tutup tidak akan diterima**.
- 5.4. Calon **diwajibkan** mengambil dan melengkapkan **Ujian Khas Penajaan Persekutuan (UKPP) dan Indeks Bimbingan Kerjaya (IBK)** yang akan dibuka mulai **29 Mei 2024 (Rabu), 2.00 petang hingga 9 Jun 2024 (Ahad), 5.00 petang** melalui Sistem eProfiling. Calon yang tidak menduduki ujian ini adalah dikira gagal dan tidak layak ditawarkan penajaan.
- 5.5. Calon hendaklah memastikan proses permohonan telah sempurna dengan mencetak **Slip Pengesahan UKPP, Slip Pengesahan IBK dan Slip Pengesahan Permohonan Program Khas Lepas Sijil Pelajaran Malaysia Dalam Negara Tahun 2024** sebagai bukti permohonan telah dibuat.
- 5.6. Pertanyaan mengenai program tajaan dan masalah teknikal boleh dibuat dengan menghubungi talian *call center* iaitu 03-8885 3297 (jam 9.00 pagi hingga 4.30 petang) atau e-mel **lepasanspm2024@jpa.gov.my** (talian dan e-mel ini hanya aktif dalam tempoh permohonan dibuka sahaja).

- 5.7. Permohonan bagi calon yang ingin menggunakan **hasil keputusan semakan semula SPM tidak akan dipertimbangkan** sekiranya diterima selepas tarikh tutup permohonan iaitu pada **9 Jun 2024, jam 5.00 petang**.

6. **STUDENT ASSESSMENT CENTRE (SAC)**

Calon-calon yang memohon akan disenarai pendek dan dipanggil untuk menghadiri SAC. SAC diadakan bertujuan bagi menyediakan profil interpersonal pelajar dan menyediakan maklumat kumulatif berkenaan kompetensi pelajar bagi memilih pelajar terbaik untuk ditaja JPA. **Program SAC dijadualkan berlangsung mulai 24 hingga 28 Jun 2024 mengikut zon pusat temu duga.**

7. **TARIKH-TARIKH PENTING**

| Aktiviti | Tarikh / Hari / Masa |
|-----------------------|------------------------------------------------------------------------------------|
| Permohonan dibuka | 29 Mei 2024 (Rabu) 2.00 petang |
| Permohonan ditutup | 9 Jun 2024 (Ahad) 5.00 petang |
| Pengisian UKPP & IBK | 29 Mei 2024 (Rabu) 2.00 petang – 9 Jun 2024 (Ahad) 5.00 petang |
| Semakan Panggilan SAC | 19 Jun 2024 (Rabu) 9.00 pagi – 21 Jun 2024 (Jumaat) 4.00 petang |
| Tempoh SAC | 24 Jun 2024 (Isnin) – 28 Jun 2024 (Jumaat) |
| Jangkaan Keputusan | 25 Julai 2024 (Khamis) 12.00 tengah hari |

8. HAK KERAJAAN

- 8.1. Pertimbangan adalah tertakluk kepada peruntukan yang ada serta perubahan dasar Kerajaan dari semasa ke semasa. Pihak Kerajaan tidak terikat untuk meluluskan sebarang permohonan yang diterima walaupun permohonan tersebut memenuhi syarat-syarat dan kriteria yang telah ditetapkan.
- 8.2. JPA boleh membuat sebarang perubahan kepada program penajaan ini pada bila-bila masa termasuk syarat dan kriteria tanpa perlu mengemukakan sebarang notis pemberitahuan terlebih dahulu.
- 8.3. JPA boleh menarik balik tawaran penajaan sekiranya didapati perlu tanpa memberikan sebarang notis terlebih dahulu.

TAMAT

LAMPIRAN A

SENARAI PROGRAM PERSEDIAAN YANG DITAWARKAN DI BAWAH PROGRAM KHAS LEPASAN SIJIL PELAJARAN MALAYSIA DALAM NEGARA TAHUN 2024

| BIL. | SENARAI PROGRAM PERSEDIAAN |
|------|------------------------------------------------------------------------------------------------------------------------------------------------------------------------------------------|
| 1. | Sijil Tinggi Pelajaran Malaysia (STPM) |
| 2. | Sijil Tinggi Agama Malaysia (STAM) |
| 3. | Matrikulasi Kementerian Pelajaran Malaysia (KPM) |
| 4. | Asasi Universiti Awam (UA) Contoh: Asasi UIAM; Asasi Sains UM; Asasi UNIMAS; Asasi UMS; Asasi UniSZA; Asasi Pengajian Islam UM; Tamhidi USIM; Asasi UKM dan lain-lain. |
| 5. | Program ASASIpintar, Pusat PERMATApintar Negara |
| 6. | Program Persediaan di International Islamic School Malaysia (IISM) |
| 7. | <i>Foundation IPTS*</i> Contoh: i. Foundation Programme ii. A-Level iii. International Baccalaureate (IB) Diploma Programme iv. Australian Matriculation (AUSMAT) |

* Dilaksanakan di Institusi-institusi seperti di LAMPIRAN B

LAMPIRAN B

**SENARAI UNIVERSITI DAN BIDANG PENAJAAN DI BAWAH
PROGRAM KHAS LEPASAN SIJIL PELAJARAN MALAYSIA
DALAM NEGARA TAHUN 2024**

| INSTITUSI PENGAJIAN TINGGI | | BIDANG PENGAJIAN |
|-------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------|
| Universiti Awam (UA) *saluran perdana sahaja | 1. Universiti Malaya (UM) 2. Universiti Kebangsaan Malaysia (UKM) 3. Universiti Putra Malaysia (UPM) 4. Universiti Teknologi Malaysia (UTM) 5. Universiti Sains Malaysia (USM) 6. Universiti Malaysia Pahang Al-Sultan Abdullah (UMPSA) 7. Universiti Utara Malaysia (UUM) 8. Universiti Islam Antarabangsa Malaysia (UIAM) 9. Universiti Teknologi MARA (UiTM) 10. Universiti Malaysia Sarawak (UNIMAS) 11. Universiti Sains Islam Malaysia (USIM) 12. Universiti Malaysia Perlis (UniMAP) 13. Universiti Pertahanan Nasional Malaysia (UPNM) 14. Universiti Malaysia Terengganu (UMT) 15. Universiti Tun Hussein Onn Malaysia (UTHM) 16. Universiti Teknikal Malaysia Melaka (UTeM) 17. Universiti Pendidikan Sultan Idris (UPSI) 18. Universiti Malaysia Sabah (UMS) 19. Universiti Malaysia Kelantan (UMK) 20. Universiti Sultan Zainal Abidin (UniSZA) | Semua bidang KECUALI Pendidikan, Penerbangan, Kejururawatan, Separa Perubatan, Kursus Profesional, Program Berkembar. |
| | 1. International Medical University (IMU) 2. UCSI University 3. Taylor's University 4. Sunway University | Perubatan |
| | 1. International Medical University (IMU) 2. UCSI University 3. Taylor's University | Farmasi |
| | 1. UTM - Malaysia Japan International Institute of Technology (MJIIT) 2. Universiti Teknologi PETRONAS (UTP) 3. Universiti Tenaga Nasional (UNITEN) 4. Multimedia University (MMU) 5. Universiti Kuala Lumpur (UniKL) 6. Taylor's University 7. UCSI University | Kejuruteraan |

**SENARAI UNIVERSITI DAN BIDANG PENAJAAN DI BAWAH
PROGRAM KHAS LEPASAN SIJIL PELAJARAN MALAYSIA
DALAM NEGARA TAHUN 2024**

| INSTITUSI PENGAJIAN TINGGI | | BIDANG PENGAJIAN |
|-----------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------|
| | <ol style="list-style-type: none"> 1. Taylor’s University 2. UCSI University | Seni bina (Bahagian I sahaja) |
| | <ol style="list-style-type: none"> 1. Universiti Teknologi PETRONAS (UTP) 2. Universiti Tenaga Nasional (UNITEN) 3. Universiti Kuala Lumpur (UniKL) 4. UCSI University 5. Multimedia University (MMU) 6. Management and Science University (MSU) 7. Taylor’s University 8. Asia Pacific University of Technology & Innovation (APU) 9. Sunway University 10. INTI International University | Sains dan Teknologi & Sains Sosial |

Catatan:

1. Permohonan bagi pengajian di peringkat Ijazah Pertama di Universiti Awam adalah melalui **saluran perdana** sahaja iaitu melalui Sistem UPUOnline.
2. Pemilihan Universiti Berkaitan Kerajaan (GLU) dan Institusi Pengajian Tinggi Swasta (IPTS) bagi tujuan pelaksanaan Program LSPM 2024 adalah berdasarkan **dua kriteria** berikut:
 - a) Tersenarai dalam Kategori Berdaya Saing di bawah Penarafan SETARA 2022; dan
 - b) Tersenarai dalam QS World University Ranking Tahun 2024 mengikut kedudukan secara keseluruhan atau mengikut bidang.

LAMPIRAN C**HAD KECEMERLANGAN AKADEMIK (HKA) KEPUTUSAN AKHIR
PERINGKAT PERSEDIAAN**

| BIL. | PROGRAM PERSEDIAAN | HAD KECEMERLANGAN AKADEMIK (HKA) |
|-------------|-----------------------------------------|-------------------------------------------------------------------------------------|
| 1. | Sijil Tinggi Pelajaran Malaysia (STPM) | Purata Nilai Gred Kumulatif (PNGK) 3.50 / 4.00 |
| 2. | Sijil Tinggi Agama Malaysia (STAM) | Peringkat Jayyid Jiddan dan mengambil sekurang-kurangnya empat mata pelajaran |
| 3. | Asasi / Matrikulasi / Foundation | PNGK 3.75 / 4.00 |
| 4. | A-Level | 13 mata / 15 mata |
| 5. | International Baccalaurate Diploma (IB) | 34 mata / 45 mata |
| 6. | Australian Matriculation (AUSMAT) | Australian Tertiary Admission Rank (ATAR) 85% / 100% |
| 7. | Program persediaan selain yang di atas | Cemerlang / Distinction / PNGK 3.75 atau setara / 4.00 |

LAMPIRAN D

SENARAI BADAN-BADAN PROFESIONAL MALAYSIA

Hanya Badan Profesional di Malaysia yang diluluskan di bawah peruntukan undang-undang tertentu sahaja diluluskan / ditetapkan bagi tujuan penajaan Jabatan ini. Senarai Badan Profesional di Malaysia adalah seperti berikut:

| BIL | BIDANG | BADAN PROFESIONAL |
|-----|---------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1. | Perubatan | Majlis Perubatan Malaysia |
| 2. | Pergigian | Majlis Pergigian Malaysia |
| 3. | Farmasi | Lembaga Farmasi Malaysia |
| 4. | Perakaunan | Institut Akauntan Malaysia |
| 5. | Undang-undang | Lembaga Kelayakan Profesion Undang-Undang |
| 6. | Kejuruteraan | Lembaga Jurutera Malaysia |
| 7. | Seni Bina | Lembaga Arkitek Malaysia |
| 8. | Sains dan Teknologi | Malaysian Board of Technologist (MBOT) |
| 9. | Bidang-Bidang Lain | <ul style="list-style-type: none">i. Lembaga Juruukur Bahan Malaysiaii. Lembaga Juruukur Tanah Malaysiaiii. Lembaga Penilai, Penaksir & Ejen Harta Tanahiv. Lembaga Perancang Bandar Malaysiav. Majlis Optik Malaysiavi. Majlis Veterinar Malaysiavii. Badan Profesional / badan penyelia lain yang diwujudkan dan diiktiraf oleh Kerajaan |